

郴州志卷之八

創設志上

城池

州城漢太守楊璆所築周顯德三年重築子城淳熙已酉春太守丁逢重築建城門樓浚隍濬水嘉定庚午太守葉崇作衛頭 皇明洪武戊申取郴州路改郴州府已酉山寨長羅福作亂調茶陵衛千戶劉保勦捕平定因立守禦千戶所展築今城

郴州志

卷之八

周五百九十三丈三尺高二丈五尺厚一丈八尺重樓五座門四南曰迎薰北曰僊桂東曰朝陽西曰瞻極又曰迎恩東曰來鶴北曰綠淨李善有作增脩郴陽城池記洪武元年大軍南征自湖南至廣西暨海南海北悉皆順附郡邑各設守令以撫綏百姓仍置衛兵護良善而威暴橫天下咸仰太平之治二年五月上命衛鎮撫繆亨千戶劉保守禦郴州蓋嘉有平叛之績也既至恤軍愛民各得其所規舊城池隳且堙矣遂同心協力躬督士卒之城隳而卑者築而峻之池之淺而狹者廣而深之地功成請予文以記之夫立事立功又何待乎文後着耶固辭弗獲乃告之曰城池之建尚矣大易設險之語聖人垂訓萬世者 聖朝稽聖經以立城池衛民之意盛矣守禦臣能體是意即以完城池為先務可謂知職分之當為而不負委任之

重矣自茲益展忠勤以報上德而保寵命于無窮焉其尚勉之哉 嘉靖乙丑知州

趙恂復創築外城 歐禮記按志吾郴在百重山內

山大澤延袤數百里箐峒諸苗又之不德則獸齧而走野奪攘矯虔習與性成者也正德戊辰賊數百奄至城下殺越人于貨攻城弗克始遁去自時厥后出沒無時大為民患征勦之後喘息不敢出者僅二三紀然猶未能若穡夫去草芟夷蘊崇之勿使能植也遺育種類寢以蕃盛相扇為惡者日滋加之貧民皆不畏死投為鄉導流劫鄉村殆無寧歲吾州城北丘阜靡夷四無居民曠然彌望埤卑隍湮武備廢弛識者患之謂賊夜至而寢無人之境則城可踰也其孰知之而孰禦之即知而禦城中亦危甚矣相與晝度夜思欲城後城為治安計乃以聞于當道而卒未聞有能舉而行之豈非

郴志

卷之八

二

知事者限于后時我歲癸亥我父母秋宇趙公下車志存立功周咨民瘼屬四郊多壘疆場日駭有衆咸造復以前議請公出入師虞擇採庶言而函圖之會棘闡簡賢入蕪繼而入觀孔棘弗果乙丑旋軫他事未遑即欲備申分巡兵備分守湖南道重履地方轉呈兩院志同謀協報曰可惟時公卜日經營計丈數揣高卑物土方峙禎幹集徒庸惟楚有材工則度之惟山有石匠則伐之自西徂東墻長二百二十五丈崇一丈甃石覆瓦屹屹言言又以有基勿壞乃廣其基至四尺營房三十楹募餘可賈若陽山殺手者居之中建官廳為巡視之所共用銀一百七十六兩皆本道本州之罰鍰也人夫取於民四百名取於軍一百名悅以使民民用不作經始于乙丑之夏訖工于是年之冬秋毫無擾人不知後參置錯峙難堞惟觀內外犄角鼓角生寒室家胥慶曰自今眠者始帖席矣乃謂文

明子禮曰古者動大衆興大役必表年以首事茲
吾有傲其城亦聊以固吾圉焉耳頌記之以垂永
久予惟是役也議於數十年之前而成於一旦以
捍大患以定大業非公憂民之憂孰能不從民志
肇基又曠之規而永底蒸民之生也哉易曰王公
設險以守其國蓋禦戒之道守備為本是故徐戎
並興魯公有甲戌之築纒抗孔熾南仲營朔方之
城卒之執訊獲醜險之時用大矣哉我聞在昔漢
郡守楊瑒始築州城載在名宦千有餘年尚俎豆
焉公鼎創外城增其未備而翼衛之人恃以無恐
實嘉賴之瑒不得專美於前矣后之吏茲土者無
惡事不已出壞勿壞聽自如何而時聳之俾勿壞
則所以保障一方而杜奸人窺伺之心者寧有既
哉惟抑其永享矣公學行純懿筮仕滇岸兩臺二
司咸加雅重予實備員實與聞之嘗遴選通省諸
俊舍公訓之臯席橫經扼趨之士聞所未聞一時

柳志

卷之八

出其門者甚衆擢令枝江愛民如子乃今借寇吾
柳操持清詭氣度端凝寬仁明敏無疾言遽色其
為政先德化而后刑罰善政更壕闊六丈深二丈
僕莫終特撮大都因並記之壕西地高不能
豬水景泰間千戶高景春脩正德七年千戶胡勳
增脩州廓相傳亦楊瑒所築圍八里三百五十步

永興舊無城天順間知縣江常嘗於縣后一帶築

土垣正德三年夷寇猖獗守備指揮周輔奏請築

城知縣程仁周佩前後興役周圍五百七十五丈後

丈高二丈城樓五曰永安曰永興曰便江曰大平
曰長慶水門二李永敷記柳屬邑有五永興其一
也他邑皆密迥峒蠻溪永興獨相距稍遠舊無
城亦無潢池之虞弘治年間首寇竊發桂陽興寧

俱被攻勢且逼求興當道始有築城之議然工鉅
役繁屢謀屢寢正德戊辰寇復作攻陷興寧城官
軍且屢遭敗北猖獗遂日甚已已長駟永興受禍
視興寧尤慘用是二當寧勤南顧之憂庚午命巡
撫王公綸調兵征剿然班師太速草本未除將士
之甲戈甫投而邊陲之烽燧已舉大肆攻掠歲無
虛月當道以永興無城垣重念壬申守備指揮周
輔特申前議以請 皇上詔可之兵備憲副程公
遂命縣侯程君仁規制興役後依山園以長垣前
倚江築砌泊岸時癸酉春三月也未數月程侯以
述職去二守魯公白於當道委王千戶福來董役
三日巡視城垣嘆曰他務可緩此不可少緩也乃
集其民而令之曰築城所以為爾民保障也古人
謂不一勞者不百逸不暫費者不永寧與其避寇
無寧日執若亟完此以自固耶又語其群匠曰爾

柳志

卷之八

四

輩受若直安得怠若事吾今與爾約之直不足責
在吾市或怠罰不爾貸也既又顧三尹張君曰催
督勸相君當任之經量財費某不敢辭也於是人
心競勸匠氏爭趨甫半載工後日異而月且殊未
幾張君以他被委吾侯遂獨當其任往來提督不
以風雨阻會郡守沈公鼎臨諭侯以政要首屬意
於城且曰保境安民莫有急於是者其亟成之勿
怠既而憲副陳公持節備邊柳桂甫下車即檄縣
責報城池工役毋怠事與愆期以取罰朝令夕申
惓惓不少置侯皆祇承惠意罔敢怠荒綜理周密
弗事苟簡基有完陷者起而實之牆有濫惡者毀
而築之磚石有弗堅良者除而易之樓櫓有弗如
式者撤而更之務盡經久以為百逸永寧之計工
將訖僉謂是舉也非程侯無以創其始非周侯無
以成其終而所以警其怠而作其成非兵備公與
郡守公不能速成至是宜有記予惟籌邊之道守

備為上周南仲城朔方以襄獫狁唐韓公築三城以絕天驕皆此道也永興城既建內以堅群黎依附之心外以絕苗寇覬覦之念轉奔走之一日而為寧居之昔出塗泥之中而奠衽席之上一邑無疆之休寔自此基其為功夫豈小哉雖然有可恃之形者必思所以保其形有可守之勢者必思所以固其勢蓋兵非城莫恃而城非兵莫守必簡勇練精改紀其故轍汰遊談弱脩明其甲兵無掘館渴之井剗侵牟之弊懲鬻代之徒則險既全而兵又精雖使黃巾綠林復出不足患也已落成之日大夫士率其邑人舉酒相慶酌三尹而前曰賴君贊理以有此遜不敢當又酌吾侯而前曰賴侯總理以有此侯亦遜不敢當僉曰功曷歸侯曰此兵備而已安敢竊其功前兵備公名杲祁門人今兵備公名煒新淦人郡守公名紹嘉定人二守公名玘

柳志

卷之八

五

餘姚人侯名珮廬陵人三尹名煒新喻人徵予文者儒學司訓遂寧彭君相進賢車君斐也

興寧前世大約土垣洪武元年知縣杜陞始易以磚正德三年賊劫縣治復加串樓類率卑隘正德八年賊造呂公車薄城知縣程瓊率民死守凡七晝夜賊退復加築砌視舊城高厚倍之又以民舍舊逼城下賊乘以拒戰且焚之以迫城中乃議以社壇東北南空地易之鑿為深池南門外為月城復又慮城無水遠為大圳由學後引流入城工垂

成而去當道委本州千戶王福督完之周圍四百丈串樓三

百六十間高二丈厚一丈二尺門樓二曰迎恩曰

鎮南城東壕寬二丈深二尺原占過民地以築外

城今割一半與民養魚利以償前地其半仍

取稅西城壕闊二丈深二尺今作官店收稅嘉靖

四十一年知縣劉正亨以縣城北原無民居又築

外城

宜章舊無城宋建炎三年傳選入寇淳熙間知縣

吳鑑始築土城我朝洪武因之天順八年廣西

流賊劫縣成化八年知縣劉寧奏築磚城周圍五里高二

柳志

卷之八

六

正德三年邑人尚書鄧庠謀於

知縣丘雲漢重砌易以大石南北築月城東西無

城外復築三關稱雄壯焉

桂陽舊無城宋嘉定丙子周侍郎為令始築之周圍

一百六十步高二丈國朝洪武初知縣李原環城浚壕闊一

丈深五尺天順八年廣西苗賊流劫至桂陽典史張英

奏聞成化元年展築土城周圍二里高如舊成化八年

巡撫都御史吳琛蒞桂陽易砌以石歲久崩塌弘

治八年賊丘子高等乘隙入寇南贛都御史金澤

具疏奏築今城

門三曰南薰曰北拱曰朝陽邑人曾鑑記桂陽縣治南距廣東北控

江西界乎群山之間我大明洪武中以廣賊憑陵設廣安千戶所以禦之去縣東八里軍民異處時縣與所皆土城防衛未固天順甲申值廣賊剽掠巡撫都御史吳公為請以千戶所就縣而增置之城事始就磚石惜督理者初無經久之計故版築方城而傾壞繼至民苦脩葺連年未已且長軍者撫馭乖方士卒彫喪武備廢弛則城與守者胥失之民無所倚弘治乙卯閩賊丘子高哨聚山野乘其隙而長驅傷人掠財殘破又甚奏聞諸失守者皆罪竄而當國大臣建議以桂陽城當脩命下巡撫都御史金公亟欲成之分巡僉事傅君金始與經度謂舊制頗限宜寬東南角兵備副使馮

柳志

卷之八

七

君鎬復為區畫城之高廣丈尺磚石確有定規其工匠物料器用飯食一為區措而民不擾又嚴諸督理者軍以恭陵指揮高崇正民以州判吳讓相為用事既而高以軍政分務而成功則獨於吳焉吳廉而有為軍民推服故定日期率諸匠作躬自督率以課其章程於一磚一石之置必務堅緻牢固千指就工百堵皆作惟以經久為念不以欲速為功賞罰明而勞逸節人無病焉始事於丁巳之春落成於辛酉之冬自外觀之則廉隅斬若樓櫓相望自內觀之則比屋鱗次環堵帖然翼乎誠一方之雄鎮也保障之功容有既耶則吾之用心可謂不負吾民而且不孤所任矣吳其賢哉周徑若干步外為石脚三尺石上加磚一丈二尺內磚齊之上為堞牆若干串樓若干城樓有四為門有三圈牆亦三內通為幾街有縣有所民居若干營房若干新任知縣汪亨與邑之致仕官朱絢等相與

議曰縣城完固顧此大功宜饒諸城隅用昭永久以予邑人也迺具顛末寓書此來請予記之云

桂東舊無城成化乙卯都御史吳琛檄築土城正

德癸酉南贛都御史王守仁易以石廣二百六十丈高三丈門

三日楚觀曰望日望遠嘉靖二十四年知縣陳席

日靖武城下有天壕

珍復築月城

評曰柳當萬山之間蠢蠢易動鈴柝晝擊無歲無

之即今雖藉承平乃厚垣禦侮嚴堞虞奸即樂土

不廢况此邃崑盤谷鳥可一日不講也耶興寧屢

柳志

當危破按往令人廩廩桂東卑窄殊甚治又在窮

嶠外桂陽利害率類桂東永興倚河為池類稱易

守宜章崇墉厚堞呼吸與柳相聞要孤危惟二桂

耳衣初惕號賢守令良武弁與我且達而共成之

公署州治在城內東北隅洪武三年通判焦潤建

壞正統十一年知州袁均哲再建成化甲午災弘

治戊申判官張鼎建張元慎記畧成化甲午柳州

羸貲不克復者踰二紀歲丙午山東歷城張君用

和以監察御史譴判州事慨然有重建之意謀諸

大守周君孔明議以克協遂區區工料不數月廳
事成又不數月麗譙之門六案之曹亦成蓋經始
於己酉之冬訖工於明年庚戌之春桂陽尹桂文
熙以通政曾公鑑其邦人也屬鄉貢士李安來徵
吾記用和學識優才力贍襟度磊落嘗巡按於吾
江右掃積嘉繩奸豪風采峻甚至今十三郡人尚
想望之且敢于有為視天下事當無不可勝無不
可勝則出緒餘以舉茲區區之廢宜不勞餘力矣
正統間前守袁均哲嘗重構州治用上為州堂左
和紹其績而規模宏壯類其為人云
為帑藏右為架閣庫又為儀仗庫知州胡漢建右上為
弼政廳堂後為知州廨東為同知廨東左為判官
廨西南為吏目廨堂之前中為戒石亭兩翼為六

柳志

卷之八

九

房左三房後為吏舍

原未設萬曆三年知州胡漢建周圍舊土墻俱圯漢併築

有記云居之有垣所以蔽內外慎防守也矧州治
則庫獄之寄存焉柳僻在邊徼恃陋而不設備舊
矣甲戌冬予奉命未守徒見一堂屹立周遭土
築敝于風雨鹿豕縱遊其間曰噫此豈所以肅章
次哉乃陶土為甃基以石趾趾之上加甃環而圍
之幅員為丈七十有七高十尺有奇更度隙地為
吏舍凡三十楹費出于俸役食于官無殊毫及里
甲工始于三月既望迄于五月之晦森然界限不
疎不弛而意外之虞亦得少釋嗟夫叔孫氏寓館
雖一日必葺其墻屋柳公權家法居官先飾署傳
余今日之建其亦不可已者蓋不敢以固陋辭也
工峻乃書此于壁以紀顛末且告來之嗣予政者
俾勿壞也萬曆乙亥六月朔日記
右旁為獄前為儀門門左為虛

受堂隆慶庚午知州陳學伊建外為大門為譙樓設官知州一

員同知一員判官一員或添註無定吏目一員司吏八

名典吏十四名

旌善亭 申明亭在州門外

布政分司舊在飛僊橋東即柳江驛地又廢今移建于州治之西中為堂後

為軒為後堂兩翼為東西序前為儀門為大門

按察分司在州治東制與布政司同而寬廣過之

兵備道在布政司右中為堂後為明四亭又後為冰玉

柳志 卷之八 十一

堂堂後為焚香所左為孰樂園有小池池上有洗

心浴德坊餘同布政司制

陰陽學舊在西塔旁今廢設官典術一員

醫學舊在柳陽縣前今廢設官典科一員

僧正司在開元寺設僧正一員

道正司在橋井觀設道正一員

永興縣治在城東南舊在市心宋熙寧以後徙于學之舊址今縣治是也中

為堂後為知縣廨正統縣令周佩建堂左為贊政廳右為

帑藏兩翼為六房右為典史廨左為吏舍中為戒
石亭前為儀門門外右為獄外為大門設官知縣
一員縣丞一員弘治間奉例裁革主簿一員弘治間奉例裁革典
史一員司吏七名典吏十名

旌善亭 申明亭在大門外

布政分司在縣治西

按察分司在縣治東制與州同

陰陽學在縣治西設官訓術一員

柳志 卷之八 十一

醫學在縣治西設官訓科一員

僧會司在太平寺設僧會一員

道會司在蘇僊觀設道會一員

公館在按察司西

興寧縣治在城北隅洪武元年知縣杜堅建中為

堂左為替政廳右為帑藏兩翼為六房後為知縣

廨正德十一年知縣仇應麒脩左為典史廨右為吏舍中為戒

石亭前為儀門門之右為獄又前為大門譙樓設

官知縣一員縣丞一員

正德間奉例裁革

主簿一員

正德間奉

例裁革典史一員司吏

名典史十名

旌善亭

申明亭

在大門外

布政分司

在縣治西歲久圯

按察分司

在縣治東制與州同

陰陽學

在城西

設官訓術一員

醫學

在城西

設官訓科一員

僧會司

在開福寺

設僧會一員

柳志

卷之八

十三

道會司

在昭德觀

設道會一員

公館

在縣治前知縣喻思化重建

宜章縣治在城北隅

自隋立縣建公署尋值兵燹寄治圓明寺淳熙間知縣雷

濂創建元因之

洪武中知縣李輔昂建中為堂兩翼為六

房後為知縣廨左為典史廨前為儀門門內左為

吏舍門外右為獄又前為譙樓

嘉靖十三年知縣胡勛重建設

官知縣一員典史一員司吏

名典史十名

旌善亭

申明亭

在大門外

布政分司

在縣東正統知縣馬經建萬曆元年知縣余化鵬改建在縣治西制同州

按察分司

在縣治東洪武初知縣溫福建隆慶五年知縣陳憲因遷學宮移建于縣治西

制同州

陰陽學

在縣東今廢

設官訓術一員

醫學

在縣東今廢

設官訓科一員

僧會司

在普化寺

設僧會一員

道會司

在景星觀

設道會一員

桂陽縣治在城西北隅

舊在市之北太平興國三年遷今址元因之

柳志

卷之八

十三

皇明洪武初知縣歐陽季謙鼎建成化間知縣金

輅脩中為堂左為贊政廳右為帑藏兩翼為六房

後為知縣廨東南為典史廨外為儀門外西為獄

又外為大門譙樓設官知縣一員縣丞一員

宣德間奉

例裁革

主簿一員

弘治間奉例裁革

典史一員司吏

一名典

吏八名

旌善亭

申明亭

在大門外

分司

在縣治東南知縣徐兆先新建制同州

公館在縣東門內大街廢今哨守官構屋居之

陰陽學在縣治南設官訓術一員

醫學在縣治南平政橋旁設官訓術一員

僧會司在設僧會一員

道會司在設道會一員

桂東縣治在城西宋嘉定末縣令曹彥約建元因之皇明洪武知縣胡視遠即故址創建中為堂左為贊政廳右為帑藏兩翼為六房堂後為知縣

柳志

卷之八

十四

解東南為典史廨外為儀門門內為獄又外為大門譙樓設官知縣一員典史一員司吏二名典吏七名

旌善亭 申明亭在大門外

分司在縣治右哨守廳在縣前即總舖也

陰陽學在縣治西嘉靖四年知縣周鳳鳴建今廢

醫學在縣治西正統二年知縣范忠建今廢

僧會司在福興寺設僧會一員

道會司 設道會一員

評曰部署以養尊庶堂以辨等君上臨下胡可廢也湫隘不治威嚴瀆庶隅削可畏非民赫赫何有其不可已也如是

柳州志卷之八

柳志

卷之八

十五